

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 15. stav (4) Zakona o izvršavanju budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19) i člana 5. Programa utroška sredstava za 2020. godinu sa pozicije „Nabavka opreme“, broj: 02-11-1278/20. od 23.01.2020. godine, na prijedlog Ministarstva finansija, Vlada Zeničko-dobojskog kantona, na 63. sjednici, održanoj dana 03.07.2020. godine, d o n o s i

ODLUKU

o preraspodjeli sredstava u budžetu Zeničko-dobojskog kantona za 2020. godinu

Član 1.

(Predmet)

Odobrava se preraspodjela sredstava planiranih u Budžetu Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), a vezano za član 5. Programa utroška sredstava sa pozicije „Nabavka opreme“ za 2020. godinu, broj: 02-11-1278/20. od 23.01.2020. godine, između Ministarstva za obrazovanje, nauku, kulturu i sport i JU Osnovna škola „Miroslav Krleža“ Zenica.

Član 2.

(Način preraspodjele)

Preraspodjela sredstava planiranih u Budžetu Zeničko-dobojskog kantona za 2020. godinu vrši se na sljedeći način:

- na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, planirani rashodi na poziciji 821300 – Nabavka opreme, Plan izdaci iz budžeta 2020. godina, umanjuju se za 15.000,00 KM;
- na razdjelu 22, budžetska organizacija 02, potrošačka jedinica 0059 – JU Osnovna škola „Miroslav Krleža“ Zenica, planirani rashodi na poziciji 821300 – Nabavka opreme, Plan izdaci iz budžeta 2020. godina, uvećavaju se za 15.000,00 KM.

Član 3.

(Namjena sredstava i izvještavanje)

(1) Odobrena sredstva iz člana 2. ove odluke škola će utrošiti za opremanje školskih prostorija za organizovanje produženog i cjelodnevnog boravka, a uskladu sa članom 29. stav 3., Zakona o osnovnoj školi („Službene novine Zeničko-dobojskog kantona“, broj: 3/18).

(2) Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška istih.

Član 4.

(Realizacija odluke)

Za realizaciju ove odluke zadužuju se JU Osnovna škola „Miroslav Krleža“ Zenica, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-11368/20

Datum, 03.07.2020. godine
Zenica

PREMIJER

Mirza Ganić

DOSTAVLJENO:

- 1x Ministarstvo finansija,
- 1x Ministarstvo za obrazovanje, nauku, kulturu i sport,
- 1x „Službene novine Zeničko-dobojskog kantona“,
- 1x a/a.